



**Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ ՈՒ Թ Յ Ա Ն
Ն Ե Ր Ք Ի Ն Գ Ո Ր Ծ Ե Ր Ի Ն Ա Խ Ա Ր Ա Ր
Հ Ր Ա Մ Ա Ն**

№ 86 - Լ

**ԱՆՀԵՏԱԶԳԵԼԻ ՄԻՋԱՄՏՈՒԹՅԱՆ ԵՎ
ՊԱՇՏՊԱՆԱԿԱՆ ՈՐՈՇՈՒՄՆԵՐԻ ՀԱՄԱՊԱՏԱՍԽԱՆ
ՊԱՀԱՆՋՆԵՐԻ ԿԱՏԱՐՄԱՆ ՆԿԱՏՄԱՄԲ
ՀՍԿՈՂՈՒԹՅՈՒՆ ԻՐԱԿԱՆԱՑՆԵԼՈՒ ԿԱՐԳԸ
ՍԱՀՄԱՆԵԼՈՒ ՄԱՍԻՆ**

Հիմք ընդունելով «Ընտանեկան և կենցաղային բռնության կանխարգելման ու ընտանեկան և կենցաղային բռնության ենթարկված անձանց պաշտպանության մասին» օրենքի 15-րդ հոդվածի 1-ին մասի 5-րդ կետը՝

Հ Ր Ա Մ Ա Յ ՈՒ Մ Ե Մ՝

1. Հաստատել անհետաձգելի միջամտության և պաշտպանական որոշումների համապատասխան պահանջների կատարման նկատմամբ հսկողություն իրականացնելու կարգը՝ համաձայն հավելվածի:

2. Հրամանի կատարման նկատմամբ հսկողությունը հանձնարարել Հայաստանի Հանրապետության ներքին գործերի նախարարության ոստիկանության համայնքային ոստիկանության գլխավոր վարչության պետին:

3. Հրամանը ծանոթացնել Հայաստանի Հանրապետության ներքին գործերի նախարարության իրավասու ծառայողներին և աշխատողներին:

4. Սույն հրամանն ուժի մեջ է մտնում հրապարակմանը հաջորդող օրվանից, բացառությամբ էլեկտրոնային հսկողության միջոցների վերաբերյալ դրույթների, որոնք ուժի մեջ են մտնում 2025 թվականի հուլիսի 1-ից:

**Հաստատված է էլեկտրոնային
ստորագրությամբ 12.12.2024թ.**

Ա. ՍԱՐԳՍՅԱՆ

« 12 » դեկտեմբերի 2024թ.

Թիվ 86 -Լ հրամանի

ԿԱՐԳ

ԱՆՀԵՏԱԾԳԵԼԻ ՄԻՋԱՄՏՈՒԹՅԱՆ ԵՎ ՊԱՇՏՊԱՆԱԿԱՆ ՈՐՈՇՈՒՄՆԵՐԻ ՀԱՄԱՊԱՏԱՍԽԱՆ ՊԱՀԱՆՋՆԵՐԻ ԿԱՏԱՐՄԱՆ ՆԿԱՏԱՄԲ ՀՍԿՈՂՈՒԹՅՈՒՆ ԻՐԱԿԱՆԱՑՆԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է «Ընտանեկան և կենցաղային բռնության կանխարգելման ու ընտանեկան և կենցաղային բռնության ենթարկված անձանց պաշտպանության մասին» օրենքի (այսուհետ՝ Օրենք) համաձայն անհետաձգելի միջամտության և պաշտպանական որոշումներով կիրառված համապատասխան պահանջների կատարման նկատմամբ հսկողության իրականացման ընթացակարգը:

2. Անհետաձգելի միջամտության և պաշտպանական որոշումների համապատասխան պահանջների կատարման նկատմամբ հսկողությունն իրականացվում է Հայաստանի Հանրապետության ներքին գործերի նախարարության ոստիկանության համայնքային ոստիկանության գլխավոր վարչության ենթակա տարածքային ստորաբաժանումների ընտանեկան և կենցաղային բռնության կանխարգելման ու ընտանեկան և կենցաղային բռնության ենթարկված անձանց պաշտպանության բնագավառում լիազորություն ունեցող ծառայողների (այսուհետ՝ իրավասու ծառայող) կողմից:

3. Իրավասու ծառայողների կողմից հսկողությունն իրականացվում է՝

1) ընտանեկան և կենցաղային բռնության ենթարկված անձանց այցելություններ կատարելու միջոցով՝ անհետաձգելի միջամտության ու պաշտպանական որոշումների պահանջների խախտումների վերաբերյալ տեղեկություններն արձանագրելու եղանակով:

2) իրավասու պետական մարմիններին հարցումներ ներկայացնելու միջոցով:

3) էլեկտրոնային հսկողության միջոցների կիրառմամբ՝ Հայաստանի Հանրապետության կառավարության 2023 թվականի նոյեմբերի 17-ի N 1986-Ն որոշման պահանջների համաձայն:

2. ՀԱՆՏՈՒԹՅԱՆ ԿԱԶՄԱԿԵՐՊՈՒՄԸ ԵՎ ԽԱԽՏՈՒՄՆԵՐԻ ՄԱՍԻՆ ՏԵՂԵԿՈՒԹՅՈՒՆՆԵՐԻ ՓՈԽԱՆՑՈՒՄԸ

4. Անհետաձգելի միջամտության և պաշտպանական որոշումների պահանջների կատարման նկատմամբ հսկողությունն իրականացնելու նպատակով իրավասու ծառայողն անհետաձգելի միջամտության որոշման կայացման կամ պաշտպանական որոշման պատճենը ստանալու օրվանից հետո հինգ օրվա ընթացքում այցելում է ընտանեկան և կենցաղային բռնության ենթարկված անձի փաստացի գտնվելու վայր և կազմում է արձանագրություն, որում նշվում են՝

- 1) այցելության օրը, ամիսը, տարեթիվը, ժամը և վայրը.
- 2) իրավասու ծառայողի պաշտոնը, կոչումը, անունը, ազգանունը.
- 3) ընտանեկան և կենցաղային բռնության ենթարկված անձի անունը, ազգանունը, հայրանունը, ծննդյան տարեթիվը, անձը հաստատող փաստաթղթի տվյալները.

4) հակիրճ տեղեկատվություն այցելության ընթացքում ընտանեկան և կենցաղային բռնության ենթարկված անձի ներկայացրած տեղեկատվության, այդ թվում՝ ընտանեկան և կենցաղային բռնություն գործադրած անձի կողմից անհետաձգելի միջամտության կամ պաշտպանական որոշման պահանջների կատարման վերաբերյալ:

5. Արձանագրությունը ստորագրում են իրավասու ծառայողը և ընտանեկան և կենցաղային բռնության ենթարկված անձը: Վերջինիս կողմից ստորագրելուց հրաժարվելու դեպքում արձանագրության մեջ կատարվում է նշում ստորագրելուց հրաժարվելու և դրա պատճառների մասին:

6. Բացառությամբ սույն կարգի 8-9-րդ կետերով նախատեսված դեպքերի՝ հսկողությունն իրականացվում է պարբերական այցելությունների միջոցով, որոնք պետք է կատարվեն՝

1) անհետաձգելի միջամտության որոշման դեպքում՝ ոչ ուշ, քան յուրաքանչյուր 10 օրը մեկ անգամ.

2) պաշտպանական որոշման դեպքում՝ ոչ ուշ, քան յուրաքանչյուր ամիսը մեկ անգամ:

7. Պարբերական այցելությունների արդյունքում կազմվում են արձանագրություններ՝ սույն կարգի 4-5-րդ կետերի համաձայն, բացառությամբ այն դեպքերի, երբ այցելության արդյունքում արձանագրվում է ընտանեկան և կենցաղային բռնության ենթարկված անձի կողմից անհետաձգելի միջամտության կամ պաշտպանական որոշման համապատասխան պահանջների խախտում, ինչի դեպքում կազմվում է խախտման վերաբերյալ արձանագրություն՝ սույն կարգի 12-րդ կետի համաձայն:

8. Այն դեպքում, եթե ընտանեկան և կենցաղային բռնություն գործադրած անձի նկատմամբ կիրառվել են միայն Օրենքի 7-րդ հոդվածի 3-րդ մասի 1-3-րդ և 8-րդ հոդվածի 5-րդ մասի 1-3-րդ և 6-րդ կետերով նախատեսված սահմանափակումներից մեկը կամ մի քանիսը, և իրավասու ծառայողի կողմից կիրառվել են էլեկտրոնային

հսկողության միջոցներ, ապա սույն կարգի 6-րդ կետով նախատեսված պարբերական այցելությունները չեն իրականացվում:

9. Սույն կարգի 6-րդ կետով նախատեսված պարբերական այցելությունները չեն իրականացվում նաև այն դեպքում, երբ պաշտպանական որոշմամբ կիրառվել են միայն Օրենքի 8-րդ հոդվածի 5-րդ մասի 5-րդ և 8-րդ կետերով նախատեսված սահմանափակումներից մեկը կամ մի քանիսը: Նշված սահմանափակումների նկատմամբ հսկողություն իրականացնելու նպատակով իրավասու ծառայողը հարցմամբ դիմում է՝

1) Օրենքի 8-րդ հոդվածի 5-րդ մասի 5-րդ կետով նախատեսված սահմանափակման համար՝ Հայաստանի Հանրապետության արդարադատության նախարարության դատական ակտերի հարկադիր կատարման ծառայություն:

2) Օրենքի 8-րդ հոդվածի 5-րդ մասի 8-րդ կետով նախատեսված սահմանափակման համար՝ Հայաստանի Հանրապետության աշխատանքի և սոցիալական հարցերի նախարարություն:

10. Այն դեպքում, եթե անհետաձգելի միջամտության կամ պաշտպանական որոշմամբ կիրառված սահմանափակումները վերաբերում են նաև ընտանեկան և կենցաղային բռնության ենթարկված անձի խնամքի տակ գտնվող անձանց, ապա իրավասու ծառայողը սույն կարգով նախատեսված այցելությունների ընթացքում զրուցում է նաև նշված անձանց հետ և զրույցի արդյունքները ներառում համապատասխան արձանագրությունում:

11. Ընտանեկան և կենցաղային բռնություն գործադրած անձի նկատմամբ կիրառված անհետաձգելի միջամտության և պաշտպանական որոշումների պահանջների խախտման վերաբերյալ ցանկացած աղբյուրից տեղեկություններ ստանալուց հետո իրավասու ծառայողը կամ ծառայողներն անհապաղ, սակայն ոչ ուշ, քան տեղեկությունը ստանալուց հետո՝ 24 ժամվա ընթացքում մեկնում են ընտանեկան և կենցաղային բռնության ենթարկված անձի փաստացի գտնվելու վայր:

12. Անհետաձգելի միջամտության կամ պաշտպանական որոշման պահանջների խախտման դեպքում իրավասու ծառայողը կազմում է խախտման վերաբերյալ արձանագրություն (այսուհետ՝ արձանագրություն), որում նշվում են՝

1) անհետաձգելի միջամտության կամ պաշտպանական որոշմամբ նախատեսված սահմանափակումները.

2) խախտման տեսակը.

3) ընտանեկան և կենցաղային բռնություն գործադրած ու ընտանեկան և կենցաղային բռնության ենթարկված անձանց անունը, ազգանունը, հայրանունը, անձը հաստատող փաստաթղթի տվյալները (հերթական համար, երբ և ում կողմից է տրվել), ծննդյան թիվը, սեռը, աշխատանքային գործունեության վերաբերյալ

տեղեկությունները (զբաղեցրած պաշտոնը կամ կատարած աշխատանքը), կոնտակտային տվյալները (հեռախոսահամար, փաստացի գտնվելու վայր)։

4) Եթե խախտումն առնչվում է ընտանեկան և կենցաղային բռնության ենթարկված անձի խնամքի տակ գտնվող անձին, ապա նաև այդ անձի անունը, ազգանունը, հայրանունը, անձը հաստատող փաստաթղթի տվյալները (հերթական համար, երբ և ում կողմից է տրվել), ծննդյան թիվը, սեռը, ուսման կամ աշխատանքային գործունեության վերաբերյալ տեղեկությունները (ուսումնական հաստատությունը, զբաղեցրած պաշտոնը կամ կատարած աշխատանքը), կոնտակտային տվյալները (հեռախոսահամար, փաստացի գտնվելու վայր)։

5) խախտման նկարագրությունը։

6) խախտումը կատարելու և արձանագրությունը կազմելու օրը, ամիսը, տարեթիվը, վայրը։

7) առկայության դեպքում՝ վկայի անունը, ազգանունը, հայրանունը և բնակության կամ հաշվառման հասցեն։

8) իրավասու ծառայողի անունը, ազգանունը, պաշտոնը, կոչումը։

13. Արձանագրությունը ստորագրում են իրավասու ծառայողը և ընտանեկան և կենցաղային բռնության ենթարկված անձը։ Վերջինիս կողմից ստորագրելուց հրաժարվելու դեպքում արձանագրության մեջ կատարվում է նշում ստորագրելուց հրաժարվելու և դրա պատճառների մասին։

14. Եթե ընտանեկան և կենցաղային բռնություն գործադրած անձի կողմից խախտվել է Օրենքի 7-րդ հոդվածի 3-րդ մասի 5-րդ կետով կամ 8-րդ հոդվածի 5-րդ մասի 5-8-րդ կետերից մեկով կամ մի քանիսով նախատեսված պահանջը, ապա արձանագրության հիման վրա իրավասու ծառայողը կազմում է նաև վարչական իրավախախտման վերաբերյալ արձանագրություն՝ Վարչական իրավախախտումների վերաբերյալ Հայաստանի Հանրապետության օրենսգրքի պահանջներին համապատասխան։

15. Եթե ընտանեկան և կենցաղային բռնություն գործադրած անձի կողմից խախտվել է Օրենքի 7-րդ հոդվածի 3-րդ մասի 1-4-րդ կամ 8-րդ հոդվածի 5-րդ մասի 1-4-րդ կետերից մեկով կամ մի քանիսով նախատեսված պահանջը, ապա սույն կարգի 12-րդ կետով նախատեսված արձանագրությունը կազմելուց հետո իրավասու ծառայողը Հայաստանի Հանրապետության քրեական դատավարության օրենսգրքով սահմանված կարգով անհապաղ գրավոր հայտնում է Հայաստանի Հանրապետության քննչական կոմիտեի ստորաբաժանմանը։

16. Անհետաձգելի միջամտության և պաշտպանական որոշումների պահանջների խախտման վերաբերյալ տեղեկությունները տարածքային ենթակայության կարգով փոխանցվում են Հայաստանի Հանրապետության ներքին գործերի նախարարության ոստիկանության տարածքային ստորաբաժանում։ Եթե ընտանեկան և կենցաղային բռնության ենթարկվածը փոխում է բնակության վայրը, հսկողությունն իրականացվում է տվյալ տարածքային ստորաբաժանման իրավասու ծառայողի կողմից։

17. Ընտանեկան և կենցաղային բռնության ենթարկված անձի համաձայնությամբ՝ հսկողություն իրականացնող իրավասու ծառայողն արձանագրության պատճենը գրությամբ անհապաղ ուղարկում է ընտանեկան և կենցաղային բռնության ենթարկված անձի մշտական բնակության վայրի աջակցության կենտրոն կամ ընտանեկան և կենցաղային բռնության ենթարկված անձի նախընտրած այլ աջակցության կենտրոն:

18. Բացառությամբ Օրենքի 7-րդ հոդվածի 3-րդ մասի 5-րդ կետով և Օրենքի 8-րդ հոդվածի 5-րդ մասի 5-րդ և 7-8-րդ կետերով նախատեսված պահանջների՝ անհետաձգելի միջամտության և պաշտպանական որոշումների համապատասխան պահանջների կատարման նկատմամբ հսկողությունն իրավասու ծառայողի կողմից չի իրականացվում, եթե ընտանեկան և կենցաղային բռնության ենթարկված անձը, իսկ եթե անհետաձգելի միջամտության կամ պաշտպանական որոշմամբ նախատեսվել են նաև ընտանեկան և կենցաղային բռնության ենթարկված անձի խնամքի տակ գտնվող անձի վերաբերյալ սահմանափակումներ՝ ապա նաև նշված անձն անհետաձգելի միջամտության և պաշտպանական որոշումների գործողության ժամկետի ընթացքում գտնվում են ապաստարանում:

19. Սույն կարգի 18-րդ կետով նախատեսված դեպքում Օրենքի 7-րդ հոդվածի 3-րդ մասի 5-րդ կետով և Օրենքի 8-րդ հոդվածի 5-րդ մասի 5-րդ և 7-8-րդ կետերով նախատեսված պահանջների նկատմամբ հսկողության նպատակով ընտանեկան և կենցաղային բռնության ենթարկված անձի և նրա խնամքի տակ գտնվող անձի հետ իրավասու ծառայողի հաղորդակցությունն իրականացվում է ապաստարանի հետ համագործակցության միջոցով: